

èxtra

ARUBA

BIYETE ARUBANO LO WORDE INTRODUCI 1 DI JANUARI

ORANJESTAD (APA)

Ayera mainta a tuma lugar na Biblioteca Nacional e apertura oficial di e exposicion di e biyetenan arubano. E exposicion ta habri pa publico for di 3 pa 12 di januari 1990 durante orario di Biblioteca Nacional.

Durante e ceremonia di apertura a hiba palabra director di Banco Central drs. Emile den Dunnen kenda a muestra cu ora cu a cuminsa papia riba e futuro structura estatal di Aruba a surgi e pregunta si Aruba lo saka su propio moneda y biyetenan. esey a conduci cu na 1984 a instalá "Commissie Arubaanse Munten en Bankbiljetten"

cual comision lo invita artistanan pa participa cu nan diseño y duna nan conseho riba e "final choice".

Djei a surgi e problema economico ora cu e refinancia Lago a sera su portanan. E "Financieel Economische Werkgroep" na 1985 a conclui cu introduccion di moneda propio lo ta un poco dificil. Un experto di pafor di

Aruba, den e tempo ey, a bisa cu pa introduci moneda propio mester existi confianza den finansas di gobierno; un desaroyo salarial controlá y un mercado laboral stabiel. Bestuurscollege di 1985 a tuma e conseho y a duna e orden pa diseño di e moneda y biyetenan na e Evelino Fingal. Den e mesun periodo a tuma pasonan necesario pa drecha e situacion existente pa asina por introduci e monedanan. E puntanan principal tabata: aceptacion di un programa di recuperacion drastico proponi door di IMF y fundacion di Banco Central di Aruba. Cu esaki e moneda arubano a worde acepta sin problema. Dentro di un luna di Aruba su "Status Aparte" tabata tin alredecor di Afls. 32 miyon den circulacion.

Pa motibonan tecnico no por a usa e mesun diseño pa e biyetenan arubano. E lo a dura 3 pa 4 aña pa e por worde introduci. Banco Central di Aruba a anuncia cu pa 1 di januari 1990 e biyetenan nobo lo worde introduci.

Awor aki nan a traha 3.8 miyon biyete arubano cu tin un balor di 200 miyon florin. Pues 3 pa 4 biaha di loke tin di e biyete bieu den circulacion. Esaki a worde haci asina pa tin un bon reserva. Ya caba tin 1.1 miyon (balor di 54 miyon florin) di e biyetenan aki den circulacion (na banconan). Te ainda no tin un fecha estableci pa e biyetenan bieu worde entrega, pues e bieu ta keda valido.

E gastonan total pa di introduccion di e biyetenan aki ta core den 2 miyon florin.

E biyetenan ta traha di tal forma cu un persona cu no ta mira sa e suma di cada biyete. Riba e biyete di 5 florin tin tres III, pues e por mishi y sinti cu tin tres strepi. Esun di 10 florin tin dos strepi y 25 florin 1 strepi. Riba cada bi-

yete tin un diseño: 100 florin (Dori); 50 florin (shoco); 25 florin (cascabel); 10 florin (calco indjan); 5 florin (tortuga blanco).

